

欽定大清會典事例

欽定大清會典事例卷一百十八

吏部

處分例

馬廠

驛務

馬

偷販馬匹

驛送

馬廠○康熙十七年議准每旗分設驢馬廠各一廠○驢馬廠各五廠○設立員外郎八員○專管馬廠○將驢馬廠分作十分○馴練不熟不堪用一分以上者將該管員外郎罰俸三月○二分以上者罰俸六月○三分以上者罰俸九月○四分以上者罰俸一年○五分以上者降一級留任○六分以上者降二級留任○七分以上者降三級調用○再將

騾馬廠亦共分作十分。若於原給數缺額一分以上者。罰俸一年。二分以上者。降一級留任。三分以上者。降二級留任。四分以上者。降三級調用。五分以上者。降四級調用。○雍正七年議准。馬羣官員。除正額馬外。如有孳生至十匹以上者。將總管官員。紀錄一次。四十匹以上者。紀錄二次。七十匹以上者。紀錄三次。自百匹至百二十匹者。加一級。騾馬羣若比原給數目。缺至一分以上者。將該管官罰俸一年。缺二分以上者。降一級留任。又養息牧管騙馬羣官員。如一年

百匹馬內。不至倒斃者。加一級。倒斃自一匹至四匹者。紀錄二次。自五匹至八匹者。紀錄一次。自九匹至十二匹者。毋庸議。處議敘。倒斃自十三匹至二十匹者。罰俸一年。倒斃自二十一匹至三十匹者。罰俸二年。倒斃自三十一匹至四十匹者。罰俸三年。倒斃自四十一匹至五十匹者。降一級留任。如有倒斃數目再多者。照倒斃數目計算降級。○道光四年。奏准。牧廠馬匹。除口老殘疾者。照例變價外。其有盜賣盜買。俱交察哈爾都統。直隸總督。山西巡撫。並管關官員。

嚴查拏究。如有將官馬私行變價者。係官革職。不行查出之該管官罰俸六月。該管大臣等罰俸三月。知情不舉者與犯同罪。○又奏准官員派查馬匹不到。照會勘事件約期不到。例罰俸一年。派查馬匹不實。照驛馬缺額督撫不行查。參例罰俸一年。○又奏准。

車駕巡幸各處。部院各衙門所需官馬。俱令該管職事人員親身關領。其領馬最多之員。如中途有倒斃走失。一二匹者罰俸六月。五匹以下者罰俸一年。八匹以下者降一級留任。十一匹以下

者降二級調用。十四匹以下者降三級調用。十七匹以下者降四級調用。十八匹以下者革職。其馬匹躓病損傷五匹以下者罰俸六月。十匹以下者罰俸一年。十五匹以下者降一級留任。二十匹以下者降二級調用。二十五匹以下者降三級調用。三十匹以下者降四級調用。三十一匹以上者革職。至領馬最少之內閣中書、欽天監、太醫院等官。如有倒失一二匹者罰俸一年。三四匹者降一級留任。損傷一二匹者罰俸六月。三四匹者罰俸一年。如各該員情願照數

賠補者俱免其處分。

驛馬○順治初年定解送軍前馬匹官員如病瘦三匹以下者免議十匹以下者罰俸三月二十匹以下者罰俸六月三十匹以下者罰俸九月四十匹以下者罰俸一年五十匹以下者降一級留任六十匹以下者降一級調用比此數多者革職○康熙五十四年覆准各省運米馬羸如原購州縣不加息餽養以致疲瘦者皆照解送軍前馬匹病瘦例議處嗣後如疲瘦五十匹以上者將該管道府官罰俸三月百匹以上

者。罰俸六月。百五十匹以上者。罰俸九月。二百
五十匹以上者。降一級留任。三百匹以上者。降
一級調用。○乾隆三十六年議定。解送軍營馬
匹。每百匹准其倒斃三匹。如倒斃至四五匹者。
罰俸六月。六七匹者。罰俸一年。八九匹者。降一
級留任。十匹十一匹者。降一級調用。十二匹十
三匹者。降二級調用。十四匹十五匹者。降三級
調用。十六匹至二十匹者。革職。二十匹以上者。
革職。杖一百。三十匹以上者。杖六十。徒一年。三
十五匹以上者。杖七十。徒一年半。四十匹以上

者杖八十。徒二年。四十五匹以上者杖九十。徒二年半。五十匹以上者杖一百。徒三年。如有盜賣別情。從重治罪。至總理督解之員。合其督解總數。按其倒斃多寡。亦即照此分別議處治罪。

○三十七年奏准。各省運米馬贏。如原購州縣不加意餵養。以致疲瘦。三匹以下者免議。十匹以下者罰俸三月。二十匹以下者罰俸六月。三十匹以下者罰俸九月。四十匹以下者罰俸一年。五十匹以下者降一級留任。六十匹以下者降一級調用。比此數多者革職。該管道府。五十

匹以上者罰俸三月。一百匹以上者罰俸六月。一百五十匹以上者罰俸九月。二百匹以上者罰俸一年。二百五十匹以上者降一級留任。三百匹以上者降一級。罰俸一年。三百五十匹以上者降一級調用。

偷販馬匹。○康熙五年題准。直隸各省民人。或違禁販馬。或私作馬牙。將馬匹接賣。說合評價。州縣官不行查出。罰俸一年。吏目典史驛丞。並該管知府同知道員。各罰俸六月。該督撫各罰俸三月。○十五年題准。官員奉差買馬。於部發

號票之外。多帶馬匹。及假借號票。帶買販賣者。
革職。所過地方官。不行盤詰。拏獲者。皆罰俸一
年。若徇情縱放者。革職。受賄者。革職。提問。其督
撫。差委官役買馬。於馬數之外。多帶者。將差買
之督撫。罰俸一年。○三十九年議定。凡姦徒偷
盜馬匹。經過地方官員職名。俱免其行查。其州
縣各官。拏獲偷盜馬賊者。每案紀錄一次。○又
議准。該管地方官所屬境內。除宰殺病死馬匹。
照律不坐外。如有失察宰殺堪用馬。一二匹者。
罰俸三月。三四匹者。罰俸六月。五匹以上者。罰

俸九月十匹以上者罰俸一年三十匹以上者
降一級留任。○乾隆三十年奏准。販馬人等暗
結將軍督撫提鎮子弟。將疲憊不堪之馬。坐索
高價。而道府營守。代為壓派。甚至無驛站之州
縣。管步兵之頭目。一概派索。其所屬之官。勉強
收受。挪墊應付。將不行約束子弟之將軍督撫
提鎮。降一級調用。知情縱容者。革職。勒派之道
府。降二級調用。被勒收受之員。降一級調用。上
司各官徇庇不行揭參者。降三級調用。○又奏
准。姦人圖利。將馬匹在接壤處所。販賣與賊。該

管官員。知情故縱者。以同謀論。拏交刑部治罪。

如不知情者。州縣官革職提問。道府降五級調

用。督撫降三級留任。今改為府州降三級調用。道員降二級調用。督撫降

一級留任。其販賣之人。由本汛拏獲。各官俱免罪。拏

獲之官。照拏獲興販硝磺例議敘。○三十七年

奏准。營驛各官。不詳請督撫。咨明兵部給發號

票。即差人來京買馬者。罰俸一年。

驛遞。○康熙十一年覆准。督撫以下各官。違禁

私用驛遞夫馬。並私發牌票支取夫馬者。皆降

二級調用。其司道以下各官。私用驛遞夫馬。並

私發牌票支取夫馬事覺者將督撫降一級留

任驛傳道

今改為按察使道員

降二級調用應付州縣驛

遞官員革職如州縣驛遞官員將私牌票申送

報部者即將所報官員離任於應升員缺不論

俸滿即升○又題准上司將自己馬匹發與州

縣驛遞官員勒令輸價者降二級調用督撫不

行訪察題叅者罰俸一年○又題准官員將不

應給之官濫給勘合或違例多支驛站錢糧者

皆降一級調用如多支隨即扣解者罰俸六月

○又題准官員給發勘合火牌內多填馬一匹

者罰俸六月。二匹者罰俸一年。三匹者降一級調用。六匹以上者降二級調用。十匹以上者降三級調用。○又議准官員將應撥之船不詳上司私自撥給。或擅行估價者。皆罰俸一年。○十四年議准。上司將應給驛遞錢糧。不照額數給發。或本人告發。或科道糾參。審實照侵欺錢糧例議處。○又議准餵養驛遞馬匹。係府州縣官專責。如有藉口應付不足。私令民間餵養幫貼者。降三級調用。○十五年議准。凡差遣員役。兵部應給勘合火牌。屆後將多索驛馬不行用印。

鈐蓋各處分緣由。兼寫清漢一紙。黏貼於黏連處所。用印鈐蓋給發。若差遣員役。照數騎坐。並無多索者。該州縣驛遞官員。隨到即於黏貼內。填明應付過馬匹人數。用各該驛印信鈐蓋。若有藉稱緊急事務。將勘合火牌不與驗看。多騎驛馬。騷擾驛遞者。毋得用印信鈐蓋。一面申報各該督撫指名題參。若差遣員役。無經過州縣驛印信鈐蓋者。任意多索驛馬。按其多騎馬數。照律處分。如州縣驛遞官員。遲挨不即行鈐蓋印信者。照稽遲應付例。降一級調用。○十六年

議准。凡差使馳驛官員。不嚴束同行領催差官。並跟役人等。以致將州縣驛遞人員。辱罵毆打。非係緊要。而將驛馬故意馳斃。驛站額馬已足。而乘騎越站。索詐財物者。將領去之官革職。增今

為該督撫不行勅參照
徇情例降二級調用如係領催差官等。拏交

刑部。從重治罪。至無勘牌詭稱奉公差使支取驛遞夫馬舟船應用。索詐財物。亦皆拏交刑部。從重治罪。此等情由州縣驛遞官員。一面申報上司。一面報部。查覈情實。將申報之官。照出首私牌票例。離任。以應升。即升。若應付遲誤。反行

捏款誑報將所報之官反坐革職○又覆准恭
遇

鑾駕行幸各部院衙門取用馬匹內倒失一二匹者
將該執事領去官員罰俸六月五匹以下者罰
俸一年八匹以下者降一級留任十一匹以下
者降二級調用十四匹以下者降三級調用十
七匹以下者降四級調用十八匹以上者革職
其馬匹病傷五匹以下者將該執事領去官員
罰俸六月十匹以下者罰俸一年十五匹以下
者降一級留任二十匹以下者降二級調用二

十五匹以下者降三級調用。三十匹以下者降四級調用。三十一匹以上者革職。至騎驛馬之內閣中書欽天監太醫院等官所騎馬數既少。不過三四匹。如將所騎馬匹病傷一二匹者。罰俸六月。三四匹者。罰俸一年。倒失一二匹者。亦罰俸一年。三四匹者。降一級留任。以上馬匹倒傷等項。如該員情願賠補者。免其議處。○又議准。凡驛站馬匹。令州縣官員用心看養。若驛丞專管之驛。則令驛丞餵養。若州縣驛丞等官。有不照額補馬。及不用心餵養。以致驛站廢弛者。

該管布政使驛傳道知府等指名申報督撫題

參照例革職若布政使驛傳道知府今改為管

按察使道員及該管府州不行申報者降二級調用督撫不

行查參者罰俸一年○又議准內府官員執事

之人及各部院衙門官員人等並無印信憑據

私將民夫等項誑詐索取該地方官即行拏獲

一面申報該督撫具題一面申報該部若果情

實係官革職領催執事人等拏交刑部從重治

罪拏首地方官員照出首私牌票例於應升即

升○又議准安塘筆帖式領催驍騎如有令家

人馳驛打圍行走。刻剝州縣驛遞官役。將驛馬故意馳斃。勒索好馬。干預地方事務。擾害百姓等情。該督撫察訪。指名題參。將筆帖式領催驍騎。皆從重治罪。該督撫徇情不參。將該督撫照徇情例。降二級調用。○二十七年題准。官員有騷擾驛站者。管站官徇情不行報部。事發將管站官員。照徇情例。降二級調用。○又議准。官員因大兵班師。將回空鹽船。違例封解者。罰俸一年。○四十五年覆准。給發勘合內。兵部均照題定程途。將應由省分。並中東西道途。填註明白。

給發。如奉差員役。不遵勘牌填註道途。枉道騷

擾者。係官降二級調用。首先濫應驛站官降一

級調用。今增為凡遣發大兵運送紅衣等職。取路平坦。掘撥官兵。取路順便。例不拘分

定者。分由行○五十一年覆准督撫司道府官

家人。不持勘合。私騎驛馬者。州縣官即行申報。

從重治罪。若徇庇不報。違例應付。將私動驛馬

之上司。並濫應州縣驛站官員。今增失察皆照

私用驛遞夫馬例。分別處分。○又覆准如勘合

大牌內。應用硃筆。乃用墨筆填寫者。罰俸三月。

少填官役姓名者。罰俸六月。○雍正元年議准。

升任赴任。平常出差及駐防官員攜帶家口赴任一概停其給發兵牌。惟頒

詔致祭解送一切

欽用物件及差員領有

敕印並解送銀緞等項以及押解人犯兵部仍照例給發兵牌亦照勘合之例兼寫清漢字一紙黏貼尾單令沿途驗票取給兵下即於尾單內填明並無多索亦無遲誤緣由用印記鈐蓋若有藉稱緊要事務將兵牌不與驗看多索兵丁照多乘馬匹按數議處騷擾營汛照騷擾驛遞例

革職其營汛官員故意抑勒遲延不行鈐蓋印
記者許其報明該管上司題參交兵部議處○
又議准凡驛馬無論接任署事定限一月內交
代清楚如有逾限不行交代清楚該督撫即將
新舊各官交代遲延情由分別註明指參照例
議處交代馬時令該管上司委官同新任或署
印與舊任從公驗看當受當退即當點驗出結
仍取具監看之員並無偏袒徇庇印結存案儻
有授受不公任意去取以及故行推諉許監看
之員詳報上司該管上司即行題參如舊任官

有佞求等情。新任官並不點驗。勉為收受。或隱忍不報。遽行出結者。不議前任之官。將新任官照前任官有事件未經清楚。即放新任之例。降一級調用。如舊任官已經足額。而新任官故意求疵。不受交代。照無未完錢糧盜案。署官新任乘隙藉端。抑勒遲延。例降二級調用。如監看之員。有偏袒贍徇等情。將監看之員。照徇情例議處。○又議准各省驛馬。飭令該驛道每年點驗一次。其各府州令其於每年奏銷。並盤查倉庫之時。一併親加點驗。儻有缺額疲瘦。即行揭報。

題叅。如果臆壯足額。取具該管官印結。加具該道府州保結。申送督撫查覈。如有捏飾徇隱情弊。該督撫將該管官。並驛道府州。一併題叅。照例議處。今改為如道員府州於每年查驗申報之時。有捏飾徇隱扶同出結者。降三級。

用期 ○六年

諭

各省所設驛站夫役。原以豫備公事之用。國家歲費帑金。本欲使州縣無賠累之苦。民間無差派之擾。官民並受其福也。但聞各省往來人員。有不應用夫而擅自動用者。該管之人。或畏其威勢。而不敢不應。或迫於情面。而不得不應。積習相沿。驟難禁止。地方夫

役並受擾累。重負朕加惠官民之至意。嗣後惟兵部勘合欽差大臣及督撫入境學差試差或知府下縣盤查及他員奉督撫差委盤查者准其動用夫役其餘概不准動用。儻有違例妄索者著該管官即行揭報督撫題參。若該管官違例濫應發覺之日照例治罪。著各省管理驛站事務之道員不時稽察。儻有徇隱一併處分。○十二年議准。

盛京驛站正副監督三年任滿能整飭驛務錢糧不致浮冒保題到部者由部按其原銜以應升之官即用。○十三年議准奉差員役所有背包

不許過六十斤。令頭站驛員秤准斤數。開明印單。每夜住宿之站。該驛員詳加覈估。照例裝載。並無重包。即於印單內填寫某驛驗明。並無重包字樣。日間經過驛遞。即可驗單應付。若有背包過六十斤。許驛官將重包斤數詳揭。將擅帶重包至七十斤者。降一級調用。再有多者。照此遞降。每十斤降一級。重包至百斤。革職。儻前站隱徇。被後站查出。將該驛官降二級調用。○乾隆七年。奏准。營驛各官。不詳請督撫咨呈兵部。私自差人來京買馬者。罰俸一年。○二十一年。

奏准。向例官員多支驛站錢糧者。降一級調用。如多支後。隨即扣解者。罰俸六月等語。但應付錢糧有多寡之不齊。概議降調。未為允協。嗣後驛站應付錢糧。廩給多支至十兩以內者。降一級留任。十兩以上者。降一級調用。其銀兩追交藩庫。如多支後。未及一年奏銷之期。隨即扣解者。仍照例罰俸六月。○二十五年。覆准州縣起解餉鞘錢糧。先期知會前途文武衙門。豫派官弁兵役。備齊夫馬車輛。按站呈送。毋得潛行僻路。如不豫先知會前途。任聽解役潛行僻路。即

餉銀未失。經該督撫查叅。將起解之州縣官。照遺漏行文例。罰俸一年。若已准移文。前途州縣不照數撥給夫役。照不行撥役護送例。罰俸一年。故意遲延勒捐者。照稽遲應付例。降一級調用。○三十年奏准。差往

盛京等處馳驛行走員役。有騷擾驛站者。亦照直省騷擾驛站例。許驛站官員一面申報該將軍。一面報部查覈。如管站官徇情不行報部者。降二級調用。○又奏准。出差員役。或該管上司。違禁濫索夫馬。及無勘合印據人等。誑詐索取。騷

擾驛遞俱許州縣驛遞官一面申報該將軍督撫一面報部察實將申報之員離任以應升之

缺即用者今增為不行申報如因應付遲誤捏款

詭報者革職督撫擅用夫馬及私發牌票索○

又奏准安塘筆帖式領催披甲如有親身不行

馳遞令家人馳遞者革職至刻剝官役故意跑

死驛馬及沿途索換好馬勒取陋規並干預地

方事務擾害百姓者俱按律治罪該督撫徇情

不參降二級調用○又奏准管驛官將驛馬虧

缺虛冒驛費者革職按數追賠如有驛馬疲瘦

該督撫查明果係地當孔道山路崎嶇站頭又遠差使繁劇者題參之時即於疏內聲明將本官暫行解任仍以題參之日起勒限一月賠補其員缺遠委賢員署理限內賠補全完題請准其復任限內不完題參革職審追○三十七年覆准奉差人員除奉

特旨馳赴新疆及新疆各處因有緊要事務專差來京者均當儘力趨行毋庸定限外其尋常派委人員總以日行一百里為率如有遲違其由京赴新疆者令該處大臣查覈參奏由新疆來京

者。令該管大臣查覈參奏。交部議處。其到京事竣。給領回文後。止于二十日之限。即令起程。如有託故逗遛者。查參議處。至由新疆解送貢品來京。不如空身單騎之便捷。聽該處大臣酌定行走程期。於文內聲明。以便查覈。○又覆准。差遣官員。在內由兵部。在外由督撫。給予勘合火牌。將應給馬匹人數。傳知首站。轉傳下站。一體豫備。該司驛官。仍將應付過馬匹人數。填註印花。按起申送該督撫彙齊。逐起按驛站先後黏貼成本。按月送兵部查覈。如差員跟役中途遇

有事故。應行扣除者。令奉差官員。將勘牌付驛註明。即由該驛轉傳下站。一體扣除。如不於勘

牌註明。即係差員冒支。將該差員叅處。

按其多來馬匹

照律處分。或申報遺漏。將司驛官叅處。

照失報事處。故例。議處。至

司驛官應付稽遲。該差員即隨時具報。照稽遲

應付例。降一級調用。該差員有枉道逗遛等情。

兵部仍憑督撫送到印花。按站稽覈。○三十九

年覆准軍臺官兵。有將報匣夾板及兵部加封

事件拆動。以致洩漏事情者。該管大臣查究明

確。無論官兵馬夫。均按軍法從事。其專管臺站

文武員弁革職等因。該管臺站大員降四級調用。至軍營來往文移札票。凡有關軍需糧餉調遣兵馬及升調參革官員等項情事。各處發遞時。俱用釘封。鈐蓋印記。如臺站書吏人等有將公文私自拆閱者。將私拆之人究明擬流。專管臺站員弁知情不舉者。降二級調用。失察者降三級留任。管站大員降二級留任。若下站官弁接遞公文。見有拆動形迹。不行呈報者。降一級留任。如該管官及該管大臣自行查出報明究治者。免議。○四十年

諭前因蘇橋知上司訪款劾參計圖反噬捏款誣揭督撫司道等一案擅用六百里驛馬交鎮遠縣轉發該縣李常吉違例遽為馳遞實屬錯謬因令袁守侗等查明參奏並諭兵部再行查例通飭蓋以此等揭報部科止准其專人齎投何得擅用驛馬李常吉以鎮遠首站近在同城蘇橋平日之貪黷狼藉該縣豈無聞見且既將蘇橋通揭情形稟之督撫則蘇橋先發制人之舉該縣皆所深知乃復違例濫應代為馳遞其咎實無可貸至沿途各驛站接准上站六百里公文原不能知其中係何緊要事件自不便擅意駁回

若亦治以濫應處分。於事理未為平允。且恐有驛各州縣。因此心存畏避。設遇實係有關重大之件。亦不肯為之接遞。於公務轉滋貽誤。所有各驛站馳遞蘇橋通揭文書各員。除首站鎮遠縣知縣照例議處外。其餘均毋庸察議。凡有似此者。俱照此辦理。○五十

三年

諭。昨據奏照料哈薩克來使之委署護軍參領協領等。在直隸山西甯夏等處。共買子女十人。請交部議處等語。已降清字諭旨革職。並將失察之沿途督撫嚴行申飭矣。地方遇有災祲。無業貧民。賣鬻子女。原屬

聞有之事。其有派委差使由驛行走之人。俱應禁止
民人不得私行售賣。並隨時查察。此等官員如有違
禁私買攜帶者。即行嚴參治罪。將此通諭各督撫等。
並諭伊犁將軍及新疆辦事大臣。一體嚴查。毋得仍
前因循。致干咎戾。○五十五年

諭

大臣官員等奉使各省。馳驛往來。應給之馬匹廩給。
及跟役口糧。各按品級。以為等差。於兵部勘合內。逐
一填註。原不准例外多支。乃派出之大臣等多假欵。
差聲勢。騷擾驛站。隨行官員亦復不知斂戢。以致家
奴跟役訛索多端者有之。各該省督撫並不勅參地

方官懼其陵辱。惟求安靜過站。由加承應。違例濫支。即多用夫馬車輜。勒取供給。亦不敢復行爭較。而解差之家人胥役等。藉端派累民間。從中侵冒。其弊將無所不至。昨尹壯圖摺內。即稱地方官辦理差務。胥役滋擾。商民不無議論一節。所言縱或過當。然近年或因阮光平及各國陪臣入覲時。地方應付太過。故有此語。若不申明例禁。嚴示創懲。何以肅清郵政。况地方官辦理差務。無論大小官員。皆宜恪遵定例。即朕省方所至。守土官吏。各有除道清塵之責。朕猶曲加體恤。切戒華靡。豈遣派辦事之員。轉可任性滋擾。

即如近日旺親班巴爾自京回伊游牧。以其送格格
靈樞。令沿途酌量給夫。遂致例外多支。擾累驛站。伊
不過一蒙古藩王。地方官尚如此畏懼。若朕派出之
親信大臣。又將何如供應耶。朕軫恤民隱。凡有赴京
控告者。無不欽差大臣前往審辦。今雖馳驛人員。聞
有騷擾之事。亦不能因噎廢食。不行派遣。致小民含
冤莫愬也。特此降旨。剴切誠諭。嗣後欽差大臣官員。
如敢於應得馬匹廩給之外。擾累一經發覺。即行從
嚴治罪。若該督撫等。任聽屬員違例濫付。希圖見好。
不行叅劾者。亦即將該督撫等。一併嚴究。決不姑貸。

○嘉慶五年

諭各省督撫節經降旨停止進貢並刪除一切應酬開費。又從無罰項。伊等養廉豐厚。豈得於陳奏事件。尚存惜費之見。况現在軍需絡繹。驛馬已極疲煩。更何得以尋常陳奏之措。逐案馳遞。平日亦不可。况此時耶。豈督撫等惟自知吝嗇。而於國家設立驛站。竟任意驅使乎。此後如有濫用驛站者。必將該督撫等一併交部嚴議。○又

諭國家設立驛站。原為馳遞軍報。及地方緊要事件。從前康熙年間。勅辦吳三桂時。有筆帖式齎信。由滇省

十數日至京之事。彼時各省尚未通設驛站。是以該處官員親行馳奏。嗣因軍務緊要。恐致稽延。設立驛馬。以備齎遞。其非用兵省分。遇有地方要件。自應由驛馳奏。但必須權其輕重。豈能率意行用。其六百里奏報。非軍報。自不輕用。即用四百里奏報。由驛站經過。並不知其所奏何事。而沿途皆知其為某省所發之報。未免妄行擬度。徒駭聽聞。定例擅用驛馬。處分甚嚴。乃近來督撫等。往往以尋常奏事。亦附驛呈遞。殊屬非是。著再通諭各督撫等。於應行差人齎遞之摺。毋得靳惜小費。擅用驛馬。即應由驛馳遞者。其里

數亦應斟酌。事之緩急。毋得任意濫用。違者必當一律交部嚴議。決不稍貸。○又

諭。前因督撫等於地方尋常事件。往往由驛馳遞。曾經降旨通行飭禁。近聞各省積習相沿。無論公文緊要與否。概由驛遞。即通問私書。屬員賀稟。均用印封交驛。甚至有由六百里加緊加快馳送者。以致各驛站每日急遞公文。多至數百件。各州縣官設立驛馬。專為遞送文報。今擅遞私書賀稟。以私事而用官驛馬。供其馳送。其流弊無窮。將見外任家眷馳驛赴京。豈不同前明之覆轍。且各驛站於此等現行之件。既視

為泛常。必遇正項緊要文報。轉多延閣。於郵政殊有闕礙。外省私書賀稟。不過通問陋習。本不應擅用印封。更何得交驛遞送。動輒填寫五六百里。全不顧疲勞驛馬。此皆由督撫司道等。首先作俑。臬司係專管之員。並不認真查察。屬員因而效尤。不可不嚴行禁止。嗣後督撫大吏。務當先自檢點。於驛遞事件。權其輕重緩急。並嚴飭各衙門。除實係緊要之事。仍用五六百里遞送外。其餘尋常公文。應由馬上飛遞者。不得濫填五六百里。至私書賀稟。均不准擅用印封。驛馬。儻經此次嚴禁之後。地方官有仍蹈故轍者。著該

管督撫臬司嚴叅懲辦。若該督撫臬司漫不經心。或自違例禁。別經發覺。必將該督撫臬司一併交部嚴議。○又奏准驛站馬匹限一月內交代清楚。如有虧缺。遲延勒捐等情。均照錢糧交代之例議處。○

八年

諭大學士會同吏部議覆御史條奏內。如清查驛站一款。各省驛站安設馬匹。原以應付辦公。遇有大臣官員等。奉差經過之時。若於例給馬匹。不能應付足數。或馬匹羸瘦。不堪驅使。以致耽延稽滯。此係玩誤公事。自當將該州縣等叅辦示懲。若應付本無不足。馬

匹廩壯而奉差之員於例外多索。甚至縱容跟役人等。多方作踐。橫索使費。此又係差員有意騷擾。該州縣即當申報上司。據實具奏。無論軍機及在內廷行走大臣等。朕必嚴行究辦。至外省督撫司道等。遇公出之時。往往責令本省州縣備辦夫馬。需索供應。書信往來。亦每由驛站馳遞。輒填用四五百里。甚至長隨家人等。因私事外出。亦復騎用驛馬。沿站需索。大為驛站之累。此皆朕所素知。督撫中未必肯效法岳起清苦儉樸。能不過於奢靡。亦可徐臻樸澹。大省民力矣。嗣後督撫司道等官。俱當力除積習。各自檢束。

設有前項情事。一經參奏。或經朕訪查得實。必當加以嚴懲。○十一年奏准。官員遞送公文。如有不依原行題寫處所。錯遞他處者。係尋常公文。將首站官罰俸一年。如下站不行查出。輒行轉遞者。罰俸六月。若係故關公文。將首站官降一級調用。下站官降一級留任。○道光四年奏准。司驛官遺報應付過馬匹人夫數目遺漏者。照失報事。故例罰俸一年。○又奏准。有驛州縣造報應付過勘牌差使黏貼印花繳銷傳牌等冊。定限下一月申送到司。

如正月份應付之冊。應於二月三十日送司。由司詳院。統限六月。

箇月出告送
部除仿此

除去程途日期。如有遲延逾限。不

及一月者。罰俸三月。一月以上者。罰俸一年。半

年以上者。罰俸二年。一年以上者。降一級留任。

○又奏定。官員所領勘合火牌。事竣即行繳銷。

如遲延三日以外不繳者。罰俸三月。○五年奏

定。將不用黏貼印花事件。誤貼印花者。罰俸一

年。○又奏定。凡內外衙門有應撥兵護送事件。

填給部發兵票。令沿途營汛驗明。照數撥給。若

奉差官員。不將兵票持驗。騷擾營汛者。革職。儻

有多索兵丁一名者。降三級調用。二名者。降四

級調用。三名以上者。革職。如奉差官員照例執
票驗勘。並未多索兵丁。而營況藉端遲延。不即
鈐印護送。許差官查詳揭報。將營況官交兵部
議處。○六年奏定。督撫大員。遇有齎送本章等
項公務。俱填用部發勘合火牌。司驛官驗明。方
准應付。如督撫大員。有私用驛遞夫馬。並差遣
家人衙役。私發牌票支取夫馬者。降二級調用。
至督撫所屬兩司以下等官。有私發牌票支取
夫馬者。將本員降二級調用。司驛官違例應付
亦降二級調用。失察所屬之督撫。降一級留任。

失察驛官之按察使道員降二級留任。如本員並未私發牌票。而其家人衙役倚勢索取夫馬。係本員縱容者。革職。失察者照失察家人犯法例降二級調用。其濫應之驛官仍降二級調用。若本員能自行查拏。或驛官據實揭報者。均准免議。僕驛官已經揭報。而該督撫不行題參。及經過地方之各上司。已據驛遞揭報。而容隱不參者。均降二級調用。○又奏准奉差員役。如於勘牌填給供應之外。多索馬一匹。船一隻。車一輛者。降三級調用。馬二匹。船二隻。車二輛者。降

四級調用馬三匹船三隻車三輛以上者革職
至馬一匹應折夫三名如多索一名者降一級
調用二名者降二級調用三名以上者降三級
調用六名以上者降四級調用九名以上者革
職○八年奏定軍臺往來摺報將報匣夾板及
兵部加封事件擅行拆動以致漏洩事情者專
管臺站文武員弁革職拏問管轄官降四級調
用如有被水潰雨等情僅止拆動奏摺包封並
未漏洩事情者專管臺站員弁俱革職留任管
轄官降二級留任其下站接遞上站摺報見有

拆動形迹。係有漏洩事情者。專管員弁。應即時
行查上站。確究弊端。呈報上司究辦。如不行查。
專管員弁。俱革職。管轄官降三級調用。如僅止
拆動摺報包封。並未漏洩事情。不即時行查。呈
報確究實情。專管員弁。降四級留任。管轄官罰
俸一年。凡上站下站各員。降調降留處分。雖係
公罪。均不准其抵銷。如該管臺站各官。能自行
查出究辦者。均予免議。○又奏准。驛站馬匹。不
照定額補足。及不用心餵養。以致缺額者。將管
驛官革職追賠。管理驛傳之按察使。道員及該

管府州不行揭報俱降二級調用督撫不行查
叅罰俸一年○十一年奏准凡出差馳驛人員
沿途買帶貧民子女者降三級調用若照料貢
使人員自行買帶及任聽貢使人等買帶者革
職

違誤驛務○康熙十一年題准官員將奉

旨特差重大事務及緊要軍務官役閉門不容進城

或不換驛馬或毆打差員者皆革職提問今增為不

行稽查之同城該管若齎送上司降一級調用

上用物件驛遞應付稽遲者府州縣降二級調用今增

為失察之同。城該管。或稽遲應付。遲誤奏章。或

不按驛接代。彼此互越。或違例多給。或將他人

馬匹充驛馬驅使者。皆降一級調用。今增為失察之同。城

該管上司。到俸六月。○十四年議准。官員於大兵需用。緯

夫抗拒不給。致緯夫越站者。革職提問。如全誤

不行解到者。革職。如不照數雇給人夫。與缺少

者。降二級調用。官員大兵經臨需用。船隻全無

解到者。革職。如解船短少者。降一級調用。該管

官不力行督催。罰俸一年。○又議准。官員將應

給移禁官兵口糧。船遲延者。罰俸一年。○十六

年題准。遞誤奏章。及不按驛接代。彼此互越。府州縣條同城。不行稽查者。皆罰俸六月。○三十一年題准。鋪兵傳遞往來公文。府州縣等官不時巡查。令其依限速遞。若有耽延沈匿諸弊。該督撫御史指名題參。該管官每案罰俸三月。改今

為該管官每案罰俸一年五案以上者。降一級留任。十案以上者。降一級調用。限行三百里者。

以此○又議准。安南國王如有攸關公文。必須

開明事由。守關官員即為收接。報明該督撫。如

抑勒不行收接。及轉報遲延。該督撫即題參。將

守關官員。照遞誤奏章例。降一級調用。尋增為如無故

遞送遞延逾限三刻以上將驛站官員亦降一級調用限行四五百里者均照此例議處刻
改為定限日行五百里四百里公文事件
遞延三刻以上者管驛官降一級留任 ○ 雍

正三年奏違誤驛務之驛丞照例降一級調用
無級可降即行革職若該驛丞遲誤僅止數時
又值六月雨水之期應否革職留任奉

旨此所奏是著革職留任嗣後遇有如此等事亦將情
由繕摺奏明○五年覆准各省驛站遞送公文令管
站官各立印信號簿上站號簿用下站官員印
信於每月終彼此移明考覈儻有沈匿稽延等
情即行詳報該管上司據實題參不得故為容

隱其沈匿平常公文一角者馬夫照例杖六十。每一角加一等罪止杖一百。提調吏典減一等。官又減一等。若事干軍情機密文書沈匿者不拘角數馬夫杖六十。徒一年。提調吏典杖一百革役司驛官革職如有所規避者各從其罪之重者論。○七年議准各省督撫凡解送餉銀須豫行知會前途除有大道可通之處仍用車載羸馱外一遇深山僻路即嚴飭經過地方官遵例一藉兩夫如數撥給儋州縣官有不給夫遲延抑勒者即行指名題參將不照數給夫之員。

照運解餉鞘不照撥定兵丁名數護送例罰俸一年。將遲延抑勒之員。照稽遲應付例降一級調用。如解餉官員有將人夫工價折銀侵蝕等弊。即餉鞘未至。疏失該督撫亦即題參。將通同折給銀各官一併議處。今改為折銀侵蝕者。革職審究。通同折給者。照例降一級調用。 ○乾隆十五年

諭。向來軍機處交出公文。籤出馬上飛遞者。定限日三百里。遇有最緊要事件。始以日行六百里字樣加籤公文。緩急既有不同。則遞送遲延處分亦應分別差等。乃吏部議處此等案件。不按三百里六百里之分。

但查覈時刻逾違。皆照敕關公文之例。議以降一級調用。此例殊未允協。現干例議積案甚多。著量加區別。沈匿軍情機密事件。仍照驛站舊例議處外。其軍機處交出尋常緊要事件。限日行六百里者。儘有逾限。照敕關公文之例議處。若係軍機處常行事件。限馬上飛遞日行三百里者。逾限之處。照公文遞延例議處。著為令。再軍機處交遞公文。原係酌量事件。以定限期。嗣後非遇最緊要事件。亦不得以六百里籤發。○十六年覆准恭遇

鑿駕巡幸。遞送

行在之本章。實在河水漲發。舟楫難施。以致遲延時
刻者。令其隨報聲明。送

行在兵部查覈。仍令地方官確查實在情形。於結內
聲明送部。准其免議外。其餘遇雨泥淖馬驚墮
跌等情。概不得援請寬免。○十八年覆准。凡馬
遞公文。馬夫因馬驚跌斃。或渡河溺斃等項。實
有顯迹。難以託辭狡飾。與無故遲延者。有聞嗣
後。凡馬夫跌斃溺斃等情。覈驗明確。取有印結
報部。准其免議。其無故遲延。及因別項情由遲
延至三刻以上者。仍照定例察議。○三十年奏

准沿途驛站各官。凡馳遞本章及緊要文報。應有員弁押送者。務須親身押送。如文報到時。查無員弁隨同遞到。即將不行押送之員。查明叅奏斥革。並將該管之上司。照失於查察例。罰俸一年。○又奏准各省督撫將軍。齎送本章。差撥二人。按限遞送。今增為如有馳遞遲延。降一級調用。如或中途遇有患病。及墮馬受傷等事。報明地方官查驗。出具印結。送部考覈。如有捏稱稽留等情。將出結官。照不行查明給結例。罰俸一年。○又奏准遞送公文遲延。因中途猝遇大雨。或陰雨連綿。河

水暴漲。路途泥淖。實在阻滯。及馬夫因馬驚跌斃。或渡河溺斃。取有地方官印結報部。並逾限一二刻者。俱准免議。其無故遲延。及因別項情由。遲延至三刻以上者。俱照六百里三百里例。分別議處。○又奏准。事關軍需緊要文報。應由軍臺按限加緊遞送。其稍涉軍需。無關緊要公文。及尋常奏摺。仍由驛接遞。不得限四五百里。由軍臺馳送。儻有混行籤發。一經查出。將籤發之員。照勘合錯誤例。降一級調用。○五十四年

諭前因本月初四日京中本報遲誤經兵部奏參交直隸總督逐站挨查於何處耽延據劉綎查覆係在密雲迤北之沙峪溝穆家峪石匣瑤亭至古北口一帶因山水陡發耽延十五刻等因業交在京吏兵二部將文武員弁議處十九日復因本報遲到亦經兵部參奏議處矣本報馳遞耽誤因山水驟發所致尚非有心遲誤可比嗣後如有實因山水陡發遲逾三日者將文武各員弁查明議處以示懲儆若在一兩日以内者竟可免議所有此兩次文武員弁應行議處之處俱著加恩寬免○咸豐七年奏定朝鮮貢使來

京。派出照料之旗員。將何日可至何處地界。由各驛丞豫為報知地方旗民各官。計算日期。接至搭界處所。護送過界。若該驛丞不先報知。及地方官不按期接護者。均降一級調用。若不將接護交替日期呈報該管衙門者。罰俸九月。○又奏定。凡外國貢使抵境。該督撫即由驛具奏。一面派委文武大員約束照料。伴送進京。一面知會沿途督撫。派委大員接護。並飭知所過州縣。豫備車船館驛。按期迎至搭界處所。親送過界。逐程交替。如各督撫不派大員伴送接護者。

降二級留任該州縣不為豫備或不親往迎送
以致行走遲滯者降一級調用

欽定大清會典事例卷一百十九

吏部

處分例 違禁

邊禁○康熙十二年題准外國之人私自進口該管地方官不行查報者降一級調用該管上司罰俸一年○十四年議准土官地方失事止限年緝拏限滿不獲降一級留任如斬絞重犯脫逃亦限年緝拏限滿不獲應降一級二級三級調用者止降一級留任應降四級五級調用者止降二級留任應革職者止降四級留任如

遇貪酷不法等罪所犯重大仍行革職如諱盜
因公註誤例應革職等罪者皆免革職亦降四
級留任○二十一年議准土司地方將逃人失
察一名或被別處土司拏解或逃出之人供在
某土司處將該土司降一級今改為每名若在一級留任
伊所屬地方明知故為隱諱不行出首者照隱
匿逃人例革職○二十二年議准滇黔土司無
論逃人逃兵有拏解六十名者即加一級如多
獲者亦照此數遞加不及加級者令該督撫酌
量獎賞○三十年題准土官凡有

欽部案件奏銷錢糧及邊設進

御表箋等項皆應照處分流官定例一例處分但土

官不食俸祿如有罰俸降俸等事皆照其品級

計俸罰米每俸銀一兩罰米一石移儲就近常

平倉以備賑荒今增為廣西省仍照例罰米○四十二年題

在湖廣鎮算紅苗既設同知通判分界管理苗

務其五寨司土官土民應聽該廳管轄遇有逃

盜等事照例將土官一併處分○四十三年題

在紅苗歸誠納糧特設土官管轄除苗人有犯

輕罪者仍聽土官自行發落外若有犯殺死人

命強盜擄掠人口搶奪財物及捉拏人口索銀
勒贖等情責令土官將犯罪之苗拏解道廳治
罪如土官將犯罪之人藏匿不即行解送者革
職○又題准紅苗捉人勒銀取贖者令土官將
犯罪之苗解送道廳衙門審理治罪外其該管
土官雖不知情但平日不嚴行約束有一起者
將土知府知州罰俸三月有二起者罰俸半年
有三起者罰俸一年若該管官知情不行禁止
者皆革職責四十板不准折贖若係教令或通
同取利者革職枷示三月不准折贖○又題准

黔楚相接之苗每因小忿動輒操戈殺擄彼此
拏人其該管土官雖不知情但平日不嚴行約
束以致彼此互相構釁分衆不及五十人者將
土知府知州罰俸三月至五十人者罰俸半年
至百人者罰俸一年百人以上者革職若係知
情不行禁止者革職不准折贖枷示一月責四
十板若係教令或通同商謀希圖均分財物者
皆照首犯一例治罪○四十七年覆在民人擅
入苗地民苗結親往來該管各官失於覺察者
降一級調用該管上司罰俸一年○又議在

省地方。遇有民苗爭訟事件。該督撫嚴飭該管各官。作速查審完結。如地界兩省。或有闕提之人。或有會勘之處。兩省大吏。務須和衷辦理。不得互相推諉。如不肖有司。託故稽遲。巧為推卸者。該督撫指名題參。照例分別議處。若該督撫任其遲延推卸。不行題參。亦照例議處。○雍正二年

諭四川陝西湖廣廣東廣西雲南貴州督撫提鎮。朕聞各處土司。鮮知法紀。所屬土民。每年科派較之有司徵收正課。不啻倍蓰。甚至取其馬牛。奪其子女。生殺

任性土民受其魚肉敢怒而不敢言。莫非朕之赤子。天下共享樂利而土民獨使向隅。朕心深為不忍。然土司之敢於恣肆者。大率皆漢姦為之指使。或緣事犯法。避罪藏身。或積惡生姦。倚勢橫行。此輩粗知文義。為之主文辦事。教之為非。無所不至。誠可痛恨。嗣後督撫提鎮宜嚴飭所屬土官。愛惜土民。毋得視為魚肉。毋得濫行科派。如申飭之後。不改前非。一有事犯土司。叅革從重。究擬漢姦。立置重典。切毋姑容寬縱。以副朕子惠元元遐邇一體之至意。○三年覆准。凡土官病故。限六月內具題承襲。其該督撫未

經具題之先。即令應襲之人。照署事官例。用印
管事。地方官如有抑勒沈閤留難者。將該管上
司照違限例議處。今改為照事件
過延例議處其土官支庶
子弟中有馴謹能辦事者。許本土官詳報督撫
具題請

旨酌量給予職銜。令其分管地方事務。其所授職銜
視本土官降二等。如本土官係知府。則所分者
給予通判銜。係通判。則所分者給予縣丞銜。照
土官承襲之例。一例頒給。

敕印號紙。其所分管地方。視本土官多不過三分之

一少則五分之一。此後再有子孫可分者，亦再許其詳報督撫具題請。

旨。照例分管地方再降一等，給予職銜印信號紙。○
四年議定熟苗熟獠一例編排保甲，不許容留面生可疑之人。地方官有不實力奉行，不能稽查盜賊，或別經發覺，將專管州縣官降二級調用。兼轄官係同城降一級，調用不同城降一級。留任統轄官降一級。照舊辦事。如上司揭報題叅者免議。至巖疆交界地方，兩地文武互相稽查，使匪類不能潛聚，毋得彼此推諉。儻保甲鄉

勇人等有疏縱姦徒怠玩巡緝及互相隱匿等弊地方官未經查出該督撫題叅照例議處○

七年議准無土官管轄之生苗為盜地方各官

照野賊苗蠻之例議處

野賊苗蠻例
裁兵部事例

其有土官

管轄之熟苗為盜劫殺擄掠男女財物該土司明知故縱者革職養盜殃民者革職提問如實係失察致苗蠻侵犯城池及聚一二百人或六七十人城內為盜村莊道路行劫此等大夥盜賊將該管土官亦革職該地方官不實力緝拏互相隱諱將該地方官並該管各上司照民人

為大夥盜賊例議處

大夥盜賊例
載兵部事例

其苗蠻聚集

人數無多平常盜案責該土官限一年緝拏限
滿不獲降一級留任俟獲盜之日開復該地方
官初叅停升限一年緝拏限滿不獲罰俸一年
照案緝拏至鄰近苗蠻地方民人被盜未經獲
賊之先將該管各官停升俟獲盜之日訊明來
去蹤迹如盜起自內地以文職為專管官降二
級調用以武職為兼管官同城者降一級調用
不同城者降一級留任統轄官降一級照舊管
事上司官已經報明叅奏免其議處若盜自外

來武職照專管官治罪文職照兼管官治罪其
土官中有能嚴行鈐束擒勦賊盜一應案件於
一年內全結者該督撫具奏加一級一年完結
過半該督撫酌量獎賞○又議在凡姦民出入
苗地把守兵丁失於覺察及知而故縱皆照律
治罪外其商賈人等已經驗明如兵役藉端抑
勒索詐者兵役治罪該地方各官一併題參照
失察衙役犯賊例議處○又議在私通土苗及
容留外省流棍者失察各官照民人擅入苗地
例議處○又議在辦理土苗事件除不關緊要

者照常行文外其緊要事務有應行申報之處
及各土司有應行批飭之事均由內署寫就鈐
印釘封飭發仍於各內署按年月日期造具印
冊密行挂號存案其文武平行衙門緊要文移
亦照此例均不得經書吏之手如仍令書吏鈔
寫以致洩漏事發之日將本官照洩漏密封例
分別議處

今改為將本官降一級留任上司罰俸六月其尋常事件仍照定例行

○又議在凡土苗夷獠有犯命盜搶奪爭訟等
案如該犯住居土官所轄地方該土官經州縣
移會徇庇不行拏解該州縣即揭報督撫題叅

將該土官革職擇伊子弟之賢者承襲。如果案犯在逃，照內地承緝之例，六月限滿不獲，將該土官承緝不力職名咨參。今改為將該土官住俸。限一年緝拏。限滿無獲，將該土官降一級留任。俟緝獲。本案光苗，或能拏獲別案光苗，在其開復。若應議降級留任，計至五案，將該管土司革職。擇伊子弟之賢者承襲。如該犯居隔省隔邑，均以文到之日為始。限四月務行拏解。限滿不解，如係庇匿，即將將庇匿之員指名題參，照徇庇例議處。若果係犯逃無獲，照承緝光犯例，六月限滿初

叅住俸勒限一年緝拿年限滿日復叅降一級
留任計至五案亦行革職○又議准土苗夷裸
命盜等案無論案之大小皆照內地所定事件
限期審結承審案件以獲犯到官之日為始盜
案限十月命案竊案限六月雜案限四月今改
為命
案限六月盜案及
一切雜案限四月限滿不結照例咨叅接扣限
期完結如仍不審結該督撫題叅照易結不結
例議處至苗夷有犯軍流徒罪折枷責之案仍
從外結即鈔招咨送刑部查覈其罪應論死並
情關重大者一概不准外結亦不准牛馬銀抵

償務按律定擬題結如有不肖之員或隱匿不報或改捏情節在外完結者事發之日將該員照溺職例革職其失察之該管各官一併議處

○八年覆准改土歸流之土司家口由各該督撫據實確覈其妻妾子女與應遷之父母兄弟照例遷徙外如該犯止有妻妾並無子嗣及子嗣幼小又無應遷之父母兄弟即將伊妻妾幼子免其遷徙安插於本省省城令地方官稽查管束毋許生事至犯軍流罪改土歸流之土司家口無論有子無子照例隨同本犯遷徙外如

本犯未遷之先身故及子嗣幼小者亦將伊妻妾幼子免其遷徙安插省城令地方官稽查管束母許生事該督撫即將應行遷徙與應留本省情由於疏內聲明取具地方官印甘各結報部查覈如該地方官有捏報並無子嗣及子嗣幼小別無應遷之父母兄弟等弊將捏報之該管地方官照軍流人犯無年老父母稱存有以次成丁稱無之例降二級調用轉詳之上司罰俸一年具題之督撫罰俸六月○又議准土司並家口遷於遠近省安插者飭令該地方官不

時稽查毋許生事擾民出境如疏縱土司本犯將該地方官照軍流罪犯取保脫逃例議處如疏縱土司家口照疏脫遞回原籍人犯例議處○又覆准凡兇手盜首逃匿土司地方不拘本省鄰省該土司能解拏五名以上者紀錄一次十名至十四名紀錄二次十五名者加職一級三十名者加職二級如一年不敷議敘之數准併次年接算議敘不准三年合算○又覆准土司隱匿兇犯逃人不行拏解俟獲犯之日訊明如係土司受賄將土司革職提問不准親子承

襲擇本支伯叔兄弟子姪。取具宗圖。並夷衆信服印甘各結題請承襲。如係隱匿不報革職。審無受賄情弊。仍照定例承襲。○十二年議准。新定苗疆地方塘汛兵丁擅役苗民需索強買等情及各衙門差役經由苗寨擅動苗夫科斂索詐該管文員。如有故縱者革職提問。不行查出之該管知府降二級調用兼轄之司道降二級

留任督撫降一級留任

今改為不行查出之府州降二級調用道員降

二級留任兩司降一級留任督撫罰俸一年如該管州縣於差役滋擾事發不行申報尚復曲為徇隱有革職不行查出之府州降一級調用道員降一級留任兩司罰俸一年督撫罰俸六

凡若該管州縣。止係失於覺察者。降一級調用。
府州降一級留任。道員罰俸一年。兩司罰俸六
月。該管官能查出。如兵役滋事擾累。事發不行
究辦者。均元抵。申報復希圖掩飾。曲為徇隱者。將該員革職。不
行查出之該管知府。降一級調用。兼轄之司道
降一級留任。督撫罰俸一年。如並不知情。止於
失察者。將該員降一級調用。不行查出之該管
知府。降一級留任。兼轄之司道。罰俸一年。督撫
罰俸六月。○十三年。覆准土司省分。其土官土
人。如有差委公務。並緝拿逃盜等事。應遠赴外
省者。許呈明該管官。轉報本省督撫。請領咨文。

牌照知會所往省分。外省督撫於伊事竣日。計程勒限。毋許逗遛。仍給予咨文執照。知會本省督撫。僮土官土人。不請咨文執照。私赴外省者。將土官革職。土人治罪。不行管束之本省。該管文武各官。降一級調用。失於查報之外省地方官。罰俸一年。如土官土人有潛往外省。生事為匪。別經發覺者。土官革職。土人治罪。不行管束之該管文武各官。降二級調用。失於查報之外省地方官。降一級調用。○又覆准貴州雲南四川等省棍徒。勾串頑苗。緝掠人口。輾轉販賣。令

地方文武巡緝各官年終分別勸懲如一年之內有能拏獲興販棍徒並頑苗十五名者紀錄一次拏獲三十名者紀錄二次拏獲四十五名者紀錄三次拏獲六十名者加一級再有多獲者照數遞加紀錄至一百二十名者加二級若拏獲一百二十名以上者以應升之官即用若一年之內不能拏獲為別處拏獲者每五名罰俸一年十名罰俸二年十五名降一級調用二十名降二級調用滿五十名者革職該管土司無降級之例滿三十名者革職其所獲興販

棍徒頑苗必將被掠人口。一併拏獲。審實定擬。報部方准照數紀獎。如有以少報多者。將原報官照誑奏請功例革職。若該督撫及該司道等。容其蒙混者。照誑奏請功具題官例降二級留任。如有買囑誣報妄拏良民陷害者。照誣良為盜例分別議處。○乾隆二年議准臺灣地方。如有民人不法等事。許令武弁移送地方官究治。如兵丁生事滋擾。亦許文員關會營伍責懲。如有彼此推諉者。照推諉例罰俸一年。並飭各該地方汛防員弁實力奉行。彼此按月稽查。取具

並無兵丁滋擾印結轉報該上司查覈如或有意徇縱將該地方官照徇庇例議處○又議准臺灣漢民不得擅娶番婦違者土司通事照民苗結親媒人減一等例各杖九十地方官照失察民苗結親例降一級調用○三年議准黔省苗民買賣子女設媒用印地方官於契上鈐印時不詳查確實將苗民男婦濫行用印賣與川販者照外番私自進口地方官不行查報例降一級調用如來歷分明胥役家人於驗契用印時故意抑勒藉端需索許買主賣主當官稟明

將胥役家人計贓治罪。官僚失察照失察家人
衙役犯贓例分別議處。如係故縱照縱役貪贓
例革職。至印買苗口後有帶回原籍別地方者
令其報明地方官給予路照填註男女姓名年
貌關汛員弁驗明契照放行。如有兵役無故留
難勒索財物者許其稟明按律究治。儻並無用
印契照冒稱良民所買苗口賄通關汛縱放出
境者一經發覺兵役計贓定罪該管員弁亦按
失察故縱受財各條分別議處。○又覆准貴州
省古州都江八寨丹江台拱清江各廳員所用

通事務宜慎選承充。止許奉差傳譯苗語。不得私至苗寨。需索擾累。一應苗民事件。許令赴該廳員衙門訴告。該通事如有把持蒙混等弊。立即嚴拏責革。究治。仍令古州道不時留心訪查。儻該通事有需索擾累情弊。該廳員失於覺察。比照新定苗地失察兵役滋事擾累例。降一級調用。如有意徇縱不行究治者。將該廳員比照兵役滋事擾累良苗該管官曲為徇隱例。革職。○五年覆准歸化城蒙古命盜等案人犯係民人。由同知協理筆帖式申報都統。委蒙古官承

緝至事主屍親報呈內不開兇盜是蒙古是民人者。蒙古官雖無疏防之例。亦應與同知筆帖式分途緝獲。勒限查叅。俟拏獲兇盜後。審明是蒙古。將不應叅之。該協理筆帖式等原叅議處各案。悉行銷案。開復。如審明兇賊係民人。將不應叅之蒙古官。記過之案。註銷。罰過之牲。給還。儻有以蒙古報民。以民報蒙古者。一經查出。題叅。將申報之協理筆帖式。照諱盜諱命例。革職。轉報之同知等。皆照諱盜諱命上司例。分別議處。蒙古官亦照內地諱盜諱命之例。革職。其大

同朔平二府衛所管轄地方與西四旗雜處該管文武衛弁照例分別責成辦理至西四旗游牧總管所部蒙古有犯命案者查叅到日皆照八旗滿洲官兵間散互毆至死例將專管之佐領驍騎校照八旗佐領驍騎校議處兼轄之參領照八旗參領議處總管等官照八旗都統副都統議處其太僕寺馬羣官員所部蒙古如犯命盜案件查叅到日專管之協領兼管之翼長統轄之總管等官亦照此例分別議處再各協理筆帖式所轄地方如有強劫及搶奪傷人行

劫拒捕蒙古民人交涉案件。經事主告報到官。該筆帖式即移會蒙古官員訊供。如事主向蒙古官告報。該蒙古官亦即呈明都統會同該筆帖式訊供。各通報各該上司。分別勒限協緝。仍分別盜犯是蒙古是民人。係民人將同知筆帖式等題參疏防。照盜案勒限緝拿。逾限不獲。將筆帖式照承緝官例。該同知照督緝官例。按限議處。如係該同知自行承辦事件。仍照承辦官例議處。係蒙古。其承辦之蒙古官員。交理藩院議處。其餘搶竊並未拒捕傷人各案。亦令各行

逐案通報其承緝之筆帖式將已未緝獲各案會報巡撫等衙門分別飭記功過蒙古官員仍照例按限叅處儻應報之案該筆帖式與蒙古官隱匿不報或諱盜為竊減重作輕者查出將承辦官題叅該協理筆帖式照諱盜例革職該管上司亦照諱盜上司例議處蒙古官亦照內地諱盜例革職其餘搶竊細事如不據實申報者將協理筆帖式罰俸九月再歸化城蒙古民人交涉命案應令就近各協理筆帖式會同該管蒙古官星馳往驗不必更由同知申報都統

揀委以致遲誤其各札薩克等處部落亦令就近各協理筆帖式馳赴該地方會同該管官相驗至會審蒙古民人事件究出實情之後民人照內地律例治罪蒙古照蒙古例治罪如蒙古例內並無正條者呈明都統援引刑部律例治罪如各該員擬罪不當蒙古則由都統覈正民人則由同知覈正務使定擬罪名歸於平允儻有彼此存私偏執己見該管上司訪聞即行題叅其會審限期該都統已經委員該員務於五日内起程赴協理筆帖式衙門會審即將會審

日期報明該管上司存案仍照定例命案扣限
六月盜案扣限十月其

欽部事件及一切限期均照內地所定限期辦理如
任意遲延分別按限查叅儻有瞻徇推諉以致
案懸不結者即照易結不結例叅處至歸化城
蒙古劫殺搶竊應該都統等自行審理之案皆
以人犯到官之日為始照內地

欽部事件例定限四月審結咨送理藩院覈擬具題
逾限不結將承審遲延各官據實指叅其有會
同別旗及各札薩克官員審理者道里相隔遠

近不等仍照內地例盜案統限十月人命搶竊

統限六月完結

今改為命案限六月盜案一切雜案限四月完結

○十

九年覆准臺灣地方逼近生番雖設立界址嚴密巡查而突行戕殺之事仍所時有向來該督撫等將該管文武員弁開叅疏防均照民苗出入例議以降一級調用但內地命盜案件均有承緝年限限滿不獲始行降調至生番殺人之案一經指叅即罹降調恐承緝之員明知降調在遞不上緊設法緝拿或畏避處分有諱匿不報情事嗣後生番殺人之案照內地命盜承緝

之例皆扣限六月查察將地方文武各官議以
降一級留任勒限一年緝拏限內拏獲准其開
復不獲照所降之級調用○二十五年覆准各
省凡有土苗地方如遇軍流徒遣等犯內有民
人捏稱土苗事發之日將該犯各依本律發配
各加枷號分別治罪地方有司官員不實力查
察致被姦民欺蒙若失察濫免實軍實流發遣
者照軍流等罪承問失出例罰俸一年濫免實
徒減為罰俸六月

土苗中有雜髮衣冠與民人
無別者犯罪到官悉照民例
治罪如有折枷免役
者亦照失出例議處

○二十九年覆准凡苗疆

地方民苗結親聽從其便。如有商賈客民未經入籍蹤迹無定者。不准與苗人結親。以杜拐販。如有擅入苗地私相連結滋事。將失察之地方官降一級調用。該管上司罰俸一年。三十年奏准。凡有苗省分土蠻地方。如有漢姦流棍潛入滋事擾害。或私通土苗教誘犯法。地方官自行查拏據實究出者。不論年月遠近。俱免議處。若別經發覺。將失察之地方印捕各官降三級調用。兼轄知府直隸州知州等官降一級留任。道員按察使罰俸一年。統轄之督撫罰俸六月。

儻明知故縱有意隱諱者將該管之地方印捕
各官革職未經查出之兼轄知府直隸州知州
等官降一級調用道員按察使降一級留任統
轄之督撫罰俸一年今改為道員降一級留任
縣司罰俸一年督撫罰俸
九。至土官延幕不將姓名年貌籍貫通知專轄
衙門查驗通報私聘入幕照違令私罪律罰俸
一年私聘犯罪之人入幕並縱令犯法者革職
治罪該管州縣佐雜失察土官私聘並查驗不
實致犯罪之人准其延請者照失於查察例罰
俸一年延請後有犯法作姦等事照不能查緝

姦民例降二級調用。○又奏准安插土蠻。獠。獍。人犯家口地方。嚴飭文武官弁。稽查約束。造具年貌清冊申送。於年底報部。儻地方官不盡心約束。以致疏脫者。將該管文武各官。照疏脫流犯例議處。再蠻獍頭目犯法。該地方官必根究。句引之人。審明確實。照律加等治罪。遇赦不宥。其失察句引之地方官。照徇庇例議處。○又

奏准歸化城蒙古與蒙古命盜案件。令該同知通判驗訊通報。即申請都統就近派委土默特參佐領等員會審起限。照例題咨完結。其蒙古

與民人交涉命盜案件。申請都統派委參佐領等員會審起限。照例題咨完結。其一切限期俱照內地定例辦理。如再遲延。分別按限查叅。儻有瞻徇推諉。以致案懸不結者。照易結不結例叅處。○三十七年奏准四川之囑嚕。皆緣各省匪類潛入川省。滋生事端。如文武各官有能於半年內拿獲此等匪人一起者。即加二級。半年以外。功過相抵。不准議敘。如在該地方容留已過半年。並不實力查拿。或被鄰境拿獲。或別經發覺者。革職。如失察。雖在半年以內。犯該軍流

以上罪名。照失察姦民例。降二級調用。如地方官訪知入境。不即弋獲究治。僅予驅逐。後經犯案。究出將經過之地方官。照盜賊經過不行窮追。例降一級留任。連界州縣接到關會查拏。不即拏獲。以致遠颺。照盜賊連界州縣協緝不力。例罰俸一年。鄰境拏獲。如罪應斬絞者。照拏獲鄰境兇犯例。每一名紀錄一次。如罪止發遣者。照拏獲鄰境積匪例。每二名紀錄一次。准其前後接算。○又奏准湖南所屬苗疆地方。苗田不許漢民置買。如有外來民人。或貪圖苗土。或假

稱置有產業攜帶眷口前來者地方官不許給
照其經過塘汛亦不准放行如地方官不行查
察濫准買賣者其失察之地方官罰俸一年該
管知府罰俸六月混行給照以致夾帶無藉之
徒冒入為匪者發覺之日將該地方官降一級
調用該管上司罰俸一年○又奏准廣西土司
地方俱歸各處州縣廳員就近兼轄遇有失察
疏防等事即將兼轄之州縣廳員照例查叅該
管知府以統轄議處並令駐紮之佐雜會同土
官帶領各頭目將外籍流寓之人一併清查造

冊送交兼轄官稽查。如土司容留匪類，立拏重懲。佐雜土官藉端滋擾，亦即嚴叅治罪。若兼轄官有意瞻徇，一併叅處。仍於每歲冬季清查一次。造冊通報督撫衙門查考。其向無佐雜同治之永定十二土司，應令知府遴委妥員會同土官一例查辦。遇有土目事故，令土官申報兼轄官查明另補。所有戶婚田土及徵收年例銀米，仍照舊聽土司自行辦理。儻貪劣不職兼轄官查揭詳叅。巡道有督率之責。如有應行議處事件，將該道職名一併開叅。○三十八年

諭據達色奏該處設立卡座原為緝捕逃人。自三十四年拏獲逃人一次後。近年以來。並未有拏獲之案。請嚴飭卡上官兵實力查拏。伊亦不時親往嚴查。併力緝捕等語。各處逃人甚多。而拏獲者甚少。如庫車係葉爾羌喀什噶爾回境衝途。為逃人所必由之路。乃數年來未經拏獲一人。可見伊等平日並不以嚴緝為事。即如伊犁塔爾巴哈臺等處。逃人定由烏魯木齊哈密巴里坤經過。葉爾羌喀什噶爾等處。逃人定由庫車哈喇沙爾關展經過。如果伊等實力緝拏。斷無不獲之理。其不上緊緝拏者。皆由逃人經過地方。

官兵未經定有處分所致。嗣後各處拏獲逃人時，著審明從何處經過，將該處辦事大臣並駐紮卡座官兵應交部議處者，即行議處。應治罪者，即行治罪。其承緝不力之大臣、官兵，應作何處分之處，著交該部詳細定議具奏。欽此遵。

旨議定。嗣後盤獲逃犯，究出經過卡座地方未經查拏者，將失察經過官員並失察之地方官降一級留任。該管大臣罰俸一年，兵丁鞭七十。如有經過地方藏匿負罪潛逃之犯，將失察官員並失察之地方官降一級調用。該管大臣降一級留。

任兵丁鞭八十。

謹案車等回疆地方於光緒十年改隸新疆省轄。

○四

十年覆准內地民人私越安南

今改越南

失察出口

之專管官降二級調用

得賄私縱者革職治罪。

兼轄官係

同城降一級調用不同城降一級留任統轄官

降一級照舊管事

今改為統轄官亦降一級留任

本籍地方官

失於查察一名至五名罰俸一年六名以上降

一級留任十名以上降一級調用○四十三年

覆准朝鮮國貢使入邊之時沿途輪站派官帶

領兵丁彈壓查點護送來京其住宿處所州縣

酌派妥役幫同看門巡更其於何日可至何處

之處各該驛丞豫為報知地方旗民各官覈計日期接至搭界處所照料過界更遞護送若該驛丞不豫為報知及地方旗民各官不覈計日期接至搭界處所照料護送者降一級調用如將交接月日不行呈報該管衙門者罰俸九月該使等交商載運銀兩貨物有偷竊情事將該地方官照道路村莊失事例議處該使等隨帶銀物有偷竊情事該地方官及護送官均照餉鞘被失例議處所失銀物著落地方官並兼統各上司按股賠還至迎送官通官令其接待外

藩通其言語朝鮮人衆有不安本分。滋生事端者。令其嚴加約束。如有違犯。即據實具報該管衙門查辦。儻迎送官通官稍有疏忽。及扶同滋事者。降一級調用。地方官豫備店舍不周。約束不嚴者。罰俸九月。○四十八年。覆准臺灣不法兵役。藉句緝罪犯為名。或因催糧巡哨等事。多方抑勒。擾害閭閻。即無詐贓情事。亦照兇惡棍徒例發遣。儻或藉端詐贓。一經發覺。即從重嚴加治罪。地方文武各官。儻有姑息徇庇等情。該督等嚴參革職。○五十三年。

諭臺灣鎮道各員令將軍督撫提督大員於每年輪往
查察將鎮道府廳縣備弁佐雜各員通行查覈具奏
儻有貪縱殃民款蹟別經發覺將未經叅覈之員從
重治罪○又覆准臺灣遠在海外道員加按察使銜
自行奏事謹案光緒十一年設臺灣巡撫道員不奏事將該鎮將營
伍是否整飭兵丁曾否操演之處按月呈報督
撫查覈儻該道徇隱不報即照故縱律治罪○
又覆准臺灣戍兵包庇娼賭照例治罪外其該
管地方文武員弁兵役人等並鄰汎弁目不行
查察舉報即行分別嚴叅治罪該管地方各官

徇庇容隱不行呈報鎮道。或已呈報鎮道不行究辦。照知情故縱律治罪。受財者計贓以枉法從重論。其失於覺察者。照約束不嚴例降一級調用。○又覆准臺灣地方。向有小典質押零星衣物。重利盤剝。令地方文武員弁一體嚴禁。違者從重治罪。地方官任聽開設及不行嚴究者。降一級調用。止於失察者。降一級留任。○又覆准臺灣地方。遇有聚眾搶奪及械鬪案件。地方官據報不行查拏。照諱盜例革職。若有心故縱及獲犯到案不行嚴懲。代犯開脫。或有增減改

捏情弊均照故出人罪例治罪其止於失察不行查拏者照不能查拏例降一級調用○五十九年奏准臺灣地方文職同知以下等官有貪酷乖張以致起釁生事者將不行揭報之道府降三級調用贍徇隱匿不行告知督撫之武職交兵部照例議處武職遊守以下等官有以貪酷乖張生事者文職贍徇隱匿不行告知提鎮均降一級留任將不行揭報之副將參將不查叅之總兵俱交兵部議處○又奏准雲貴川廣等省苗疆地方應令文武官弁互相稽察如文

職同知以下武職遊守以下等官。有將苗夷科
派擾累及將土目索詐陵辱等情。除該員弁各
處治罪。其同城文武。如敢徇情隱諱。將不行揭
報之道府副參。並不行告知督撫提鎮之文武
員弁。均照臺灣例分別議處。再邊地官兵出征
如不肖之員。並不親往。將勦賊辦糧重任。專委
土弁經理。以致惡弁乘機搶奪生事。亦令文武
官互相稽察。告知督撫提鎮。嚴查重處。如有瞻
徇隱匿。亦照臺灣之例議處。○又奏准臺灣民
人偷越番地。該地方文武員弁。如能實力巡查。

一年之內。拏獲十名者。紀錄一次。再有拏獲。按其名數遞加議敘。儻有民人偷越。別經發覺者。照失察民人擅入苗地例。降一級調用上司。罰俸一年。若有賄縱情弊。照私放出口例。將該管官革職。計贓論罪。如兵役受賄故縱。該管文武員弁。如係失察。照失察衙役犯贓例。議處。係故縱。照縱役貪贓例。革職。○嘉慶五年。奏准。歸化城各廳所轄地方。蒙古民人命盜交涉案件。查明是蒙古是民人。分別辦理。係民人。將該廳官員及上司。照例開參。按限議處。係蒙古。其承緝

之蒙古官員交理藩院議處。儻應報之案。該同知通判隱匿不報。或諱盜為竊。減重作輕。或以民人報蒙古者。將該同知通判及上司。照諱盜諱命例分別議處。蒙古官亦照內地諱盜例革職。其餘搶竊細事。如不據實申報者。將同知通判等官。罰俸九月。○又奏准歸化城命盜等案。事主屍親報呈內。不開明兇盜是蒙古是民人者。將該同知通判照例開叅。俟拏獲兇盜後。查明是蒙古。將該同知通判等原叅議處記過各案。查銷開復。○又奏准歸化城命盜案件。一切

限期俱照內地定例辦理。○又議定凡邊關隘口。令該管官弁嚴行盤查。若民人並無用印文票。及有文票而人數浮多。情節不符。該管文員失察偷度一二者者降一級留任。三四名者降一級調用。五名以上降二級調用。十名以上降三級調用。放出私販人口者革職。受賄縱放者革職治罪。若夾帶違禁貨物。守口官徇縱放出者。按其所帶之物分別治罪。其有盜犯逃犯偷度邊口。失察一名者降一級留任。二名者降一級調用。三名以上者降二級調用。五名以上者

降三級調用十名以上者革職。至威遠堡鳳凰城法庫等處邊門邊柵如有失察賄縱等事係文職專管將文職照此例議處。係武職專管兵部將武職照此例議處。其專管官應降級留任者兼管之員罰俸一年。專管官應降級調用者兼管之員降一級留任。專管官應革職者兼管之員降三級留任。其各處水溝守口失察者均應分別專管兼管悉照此例議處。其不由應出之口越度堵塞邊關者失察之員罰俸一年。○
道光二年奏定雲貴川廣等省苗疆地方令文

武大員互相稽察。如文職自同知以下。有將苗夷科派擾累。及將土目索詐陵辱等情。革職。該管府州失於揭報。降三級調用。道員降二級調用。若武職遊擊以下等官。滋事同城。文員不告知提鎮者。降一級留任。○又奏定邊地官兵出征。文武各官並不親身前往。將勦賊辦糧重任。轉委土弁經理。以致惡弁乘機搶奪生事。亦令文武官互相稽察。告知督撫提鎮。題參治罪。如失於揭報。亦照前例議處。○又奏准商賈人等往來苗地。已經驗明照票。而兵役藉端勒索。

詐者該管官分別失察故縱照衙役犯贓例議處○四年奏准番人入內地為盜將該管有俸之士司住俸俟三年無犯仍給予俸祿若三年內連犯三案者革去職銜其無俸之士司失察一起者降職一級戴罪圖功俟三年無犯准其銷案若三年內連犯二案者革去職銜俱擇應襲之人承襲並令該督撫於疏防本內將該土司有俸無俸之處聲明以憑覈議○又奏定貴州雲南四川等省頑苗緝掠人口輟轉販賣該土官失於查拏一年內經別處拏獲至三十名

者革職。○又奏定廣西慶遠等五府所屬土目土民不准典買土司官莊田畝。有不遵者將違禁典賣之土司降一級留任。田給原主。價追入官。該管知府失於查察。罰俸一年。若該土司有倚恃勢力。抑勒土目土民承買情事。降一級調用。該管知府罰俸二年。○又奏定貴州漢苗錯處。自嘉慶三年清查田地以後。漢民不許典買苗田。苗人不得承買漢地。如地方官不行查察。將該管之員罰俸一年。○又奏定近種居住之生監。霸佔種地。州縣官不行查出。罰俸一年。該

教官知情不報者革職失察者降一級留任。○
又奏定野賊苗蠻擾害地方及無土官管轄之
生苗為盜如有攻陷城寨燒毀倉庫者專管兼
轄各官俱革職統轄官降二級調用督撫降二
級留任若焚劫鄉村搶擄男婦殺傷兵民者專
管官革職兼轄官降二級調用統轄官降二級
留任督撫降一級留任。○又奏定苗蠻殺劫或
倚山負險或恃眾窩藏專汛文武員弁各率兵
役協力擒拏如有緝捕遲延藉端推諉令該員
弁互相揭報題參將遲延推諉之員降一級調

用○又奏定。熟苗侵犯城池及聚衆六七十人
以上為盜。未經獲賊之先。將該管文武各官停
升。俟獲犯後。訊明來去蹤迹。如盜自外來。將專
管之武職降二級調用。兼轄之文職同城者降
一級調用。不同城者降一級留任。武職統轄官
降一級留任。文職統轄官罰俸一年。如盜自內
起。將專管之文職降二級調用。兼轄之武職同
城者調一級調用。不同城者降一級留任。文職
統轄官降一級留任。武職統轄官罰俸一年。若
係人數無多。尋常盜案。扣限四箇月查叅。將該

地方官初叅停升。限一年緝拏。限滿不獲。罰俸一年。賊犯照案緝拏。○又奏定內地民人攜帶眷屬前赴苗疆者。地方官不准給照。如有混行給照。以致夾帶無藉之徒。冒入為匪。將給照之員降一級調用。上司罰俸一年。○又奏准臺灣一郡。令地方官於居民內派委社長。闔社民人令其約束。如有擾累番民者。該管官照約束不嚴。倒降一級調用。儻該管官於派委時先有冒濫取結情弊。降三級調用。○十八年奏准車輛裝運人貨出口。回空時亦每車給予印票。該管

官查驗人數相符方准放其進口。儻不行稽查以致夾帶私逃兵役入口。將專管官罰俸一年。如驗無夾帶私逃情弊而藉端勒索者。該管官革職兼轄官降二級調用。該管官藉端留難者降二級調用。兼轄官降一級調用。○又奏准旗人私自出關前往他省將誤行給予印照之員降一級調用。○又奏准伊犁塔爾巴哈臺葉爾羌喀什噶爾等處盤獲逃犯審明該犯所過邊卡地方將失察經由之員並該地方官俱降一級留任。該管大臣罰俸一年。如該犯在邊卡地

方藏匿已過半月以上將失察各官俱降一級
調用該管大臣降一級留任○咸豐元年奏准
出關之人執有印票人數相符該管官弁不即
驗票放行稽遲勒指者降二級調用其有吏役
需索等弊將該管官分別失察故縱照衙役犯
贓例議處